

ÁŠŠEČILGEHUS

— Vuoddodokumenta
— Jorgaluvvon dokumenta

Vuorkáášši: 2017/2591-1	Vuorká: 210	Áššemeannudeaddji: Marit Elisabeth Hætta Gaup	Dáhton: 04.05.2017
----------------------------	----------------	--	-----------------------

Lávd.áššer.	Lávdegoddi	Čoahkkindáhton
	Ekonomiijalávdegoddi	
	Ovdagotti mearrádusevttohančoahkkin	
	Suohkanstivra	

Rehketdoallu 1. tertial 2017

Diehtu sáddejuvvo:

- Finnmárkku filkkamánnái, Statens hus, Damsveien 1, 9815 Vadsø

Čujuhuvvo čuoovvavažžii:

- Suohkana 1. tertialaraportii 2017s

Miiddus:

- Rehketdoallu 1. tertiala 2017

Áššečilgehus:

Guovdageainnu suohkana 1.tertiala 2017 rehketdoallu čájeha sisaboadut leat 2 660 543 ruvno unnit go lea golahuvvon seamma áigodagas. Seamma áigodaga investeremat dahket 5 422 450 ruvno.

Árvvoštallan:

Vuosttaš tertiala leat doaibmagolut stuorát go doaibmasisaboadut. Iešalddis dat ii leat eahpelunddolaš, go golut ja sisaboadut leat plánejuvvon olles jahkái ja eai boađe oktanaga. Danne ii leat tertialarehketdoallu álo doarvái buorre mihtidanreaidu ekonomalaš stáhtusii gasku jagi. Bušehttageavaheame ferte danin várrogasvuodain árvvoštallat tertialarehketdoallu ektui.

Vuosttaš tertiala leat golut 2,661 miljovna ruvno stuorábut go sisaboadut. Válđočilgehus dasa lea maŋŋonan sisaboadut. Suohkanis leat sisaboadut, nugo refušovnnat, mat bohtet maŋŋel go golut leat leamaš. Doarjagat eai álo mákso seamma áigodagas go golut leat leamaš. Dan oaidnit maidđái dáhphuvvon 1. tertiala. Dasa lassin eai leat cuoŋománu vearrosisaboadut ollen mielde rehketdollui 1. tertiala, ja addet unnit sisaboadu bušehta ektui. Jus buohtastahte rehketdoalu olles jagi bušehtain de dahket sisaboadut 1. tertiala 34% obbalaš bušehtas. Doaibmagoluid bušehtas lea gollan 34%, ja muitala ahte okta goalmmásas oassi bušehtas lea gollan 1.tertiala.

Finánsagoluid sturrodad lea eahpesihkar go dat leat čadnon reantodássái, investeremiid ja loanaid sturrodahkii. Reantodássi lea dál vuollin ja lea addán unnit reantogoluid dimmá ektui. 1.tertiálas eai leat stuorit spiehkasteamat bušeahta ektui. Loahpalaš loatnagoluid ii nagot sihkkarit rehkenasttit ovdal loahpa geahčen jagi.

Ruhta mii guoská foanddaide ii sirdo dábálaččat ovdal loahppajagi, ja ii atte rievttis gova rehketdoalus ovdal dalle. Earret eará eai leat foandasirdimat nugo dispišuvdnafoanda vuos sirdon rehketdoalus.

Diimmá seamma muttos ledje golut 782 000 ruvno unnit go sisaboadut. Sihke sisaboadut ja golut leat lassánán diimmá rájes. Nuppástuhtten dilis ii leat álo buorre buohtastahttit ovddit jagiin, muhto dat addá roavva gova guđe guvlui ekonomalaš dilli rievdá.

Mearrádusevttohus:

Suohkanstivra dohkkeha 1. terciála 2017 rehketdoalu.